

Arubianonan residencia na Boneiro a celebra dia di Himno y Bandera



ORANJESTAD (AAN)- Na ocasion di nos dia nacional di Himno y Bandera, e Arubianonan residencia na Boneiro a celebra e dia aki en grande. Como invitadonan special tabata presente Gezaghhebbber H. Domacasee, Sr. Glen Albertina, Diputado James Kroon y algun miembronan di gobierno. Di parti di Aruba tabata tin un delegacion consisti di Minister Lee, Parlamentario Marlon Werleman y Sr. Jossy Semeleer di Griffie Aruba.

Pa e ocasion special Club di Aruba Casibari ta gradici tur e sponser nan, tur Arubianonan residencia na Bonaire, Pueblo di Bonaire, tur agrupacion di musica y baile, Minister di Cultura, Deporte y Labor, Sr. Ramon Lee, Sr. Marlon Werleman, Vice Presidente di Staten di Aruba y Sr. Jossy Semeleer di Griffie Aruba kendenan a duna nan cooperacion pa e dia di Aruba na Bonaire. Danki pa nan aporte nan por a celebra Dia di Aruba na Bonaire ariba dia 14 di maart ultimo. Alavez nan kier a invita un y tur pa bini Diahuebs awor 18 di maart 2004 na un Family Day, di 12'or pa 8'or p.m. na adres: Kaya Gobernador N. Debrot # 12. Bin disfruta di un rato placentero hunto cu e bishitantenan di Aruba 60 +, Flor di Violeta di Aruba y personanan di Aruba cu ta participa na e Fishing Tournament.

